

Муҳаммад ибн Сулаймон Ат–Тамимий:

# Тўрт қоида

“Бадр ат-Тавҳид” нашриёти

Буюк аршнинг Роббиси бўлган сахий Аллоҳдан дунё ва охиратда сени бошқармоқлигини (ташлаб қўймаслигини) ва қаерда бўлсанг-да барокатли қилмоқлигини ҳамда агар ато қилинса шуқр қиладиган, балоланса сабр қиладиган, гуноҳ иш қилиб қўйса истиғфор айтадиган кишилардан қилмоқлигини сўрайман. Албатта ушбу уч (хислат) бахт-саодатнинг белгисидир.

- Аллоҳ таоло сени ўзининг тоатига бошласин! – Ҳанифия - Иброҳим алайҳис-салом миллати: - Динни ёлғиз Аллоҳ учун холис қилган ҳолда ибодат қилмоқлик эканлигини - билгин.

Аллоҳ таоло (Ўзининг каломида) айтганидек: **“Мен жинлар ва инсонларни фақат Ўзимга ибодат қилишлари учун яратдим”**.

Агар Аллоҳ сени Ўзига ибодат қилишинг учун яратганлигини билган бўлсанг, у ҳолда намоз таҳорат билан бирга бўлсагина намоз деб номланганидек, ибодат ҳам тавҳид асосида бўлсагина ибодат деб номланишлигини ҳам билиб олгин!

Бас, қачонки нажас таҳоратга аралашса таҳорат бузилгани каби, ширк ҳам ибодатга аралашса ибодат бузилади.

Агар сен ширк ибодатга аралашса ибодатни бузишлигини, амалларни хабата (барбод) қилишлигини ҳамда ширк қилувчи киши дўзахда абадий қолувчилардан эканлигини билган бўлсанг, ўзинг учун ширкни билишлик нечоғлик муҳим эканлигини тушиниб етасан.

Шояд Аллоҳ сени бу (ширк) тўридан холос қилса, бу тўр—Аллоҳ таоло (Ўзининг каломи) да:

**«Аллоҳ Ўзига шерик қилинишлигини кечирмайди, шундан бошқа гуноҳни ҳоҳлаган бандаси учун кечиради»** деб айтган ширқдир.

Бундан (сақланишлик) эса Аллоҳ таоло китобида зикр қилган тўрт қонидани билишликни тақозо қилади.

### **Биринчи қонда:**

Росуллоҳ уларга қарши жиҳод қилган кофирлар Аллоҳ таолонинг яратувчи, ризқ берувчи, ишларни бошқарувчи эканлигини тан олганликларини, Уларнинг мана шу иқрор бўлиб –тан олишликлари исломга олиб кирмаганлигини билишлигингдир. Далил Аллоҳ таолонинг (ушбу) сўзидир:

(Эй Муҳаммад соллаллоҳу ʼалайҳи васаллам),айтинг:« Ким сизларга осмон ва ердан ризқ берур ёки ким қулоқ ва кўзларга эғалик қилур?!» Ким ўликдан тирикни чиқарур ва тирикдан ўликни чиқарур ҳамда ким барча ишларни тадбир қилиб турур?!» Улар албатта:«Аллоҳ»,дейдилар. Бас, Сиз айтинг: «Ахир (Ўша Зотдан) қўрқмайсизларми?!»

### **Иккинчи қонда:**

Мушриклар:"Бизнинг улар (бут–санам,қабрлар...) га дуо–ибодат қилишлигимиз ҳамда уларга қараб юзланишлигимиз фақатгина (Аллоҳ) га қурбат–яқинлик ҳосил қилишлик ва шафоат талабидадир"—дейишади.

Қурбат–яқинлик дейишлигининг далили Аллоҳ таолонинг (ушбу) сўзидир:

«(Эй инсонлар), огоҳ бўлингизким, холис дин Ёлғиз Аллоҳникидир (яъни,Ёлғиз Аллоҳгина чин ихлос билан ибодат қилинишликка лойиқ зотдир). У Зотдан ўзга " авлиёлар " ни ("худо") қилиб олган кимсалар:"Биз фақат улар бизни Аллоҳга яқин қилишлари учунгина ибодат қилурмиз", (дерлар) Шак–шубҳа йўқки, Аллоҳ ёлғончи ва кўрнамак кимсаларни ҳидоят қилмас».

Шафоат дейишлигининг далили Аллоҳ таолонинг (ушбу) сўзидир:

**«Улар Аллоҳни қўйиб, ўзларига зиён ҳам, фойда ҳам етказа олмайдиган нарсаларга ибодат қиладилар ва: "Ана шу (бизлар сиғинаётган) нарсалар Аллоҳ ҳузурида бизларнинг шафоатчиларимиз бўлади", дейдилар».**

Шафоат икки хил булади:

- Шафоату манфийа (инкор қилинган шафоат)
- Шафоату мусбата (инкор қилинмаган шафоат)

### **Шафоату манфийа:**

Аллоҳ қодир булган шафоатни Аллоҳдан бошқасидан талаб қилишлиқдир. Далил Аллоҳ таолонинг (ушбу) сўзидир:

**«Эй мўъминлар, олди–сотди, ошна–оғайнигарчилик ва шафоат булмайдиган Кун келишидан илгари сизларга ризқ қилиб берган нарсаларимиздан инфоқ–эҳсон қилинглари! Кофир бўлган кимсаларгина зулм қилгувчидирлар » (Бақара:254)**

### **Шафоату мусбата:**

У Аллоҳдан талаб қилинадиган шафоатдир. Шафоат (талаб) қилувчи шафоат қилишлисабабли икромланади, шафоат қилинувчи эса, Аллоҳ унинг сўзи ва амалидан рози бўлиб, изн бергандан кейингина шафоат қилинади.

**« У (Аллоҳ) нинг ҳузурида ҳеч ким (бировни) Унинг изнисиз шафоат қила олмайди...»**  
(Бақара:255)

### **Учинчи қоида:**

Набий соллоллоҳу ъалайҳи васаллам ибодатларида ҳар–хил бўлган кимсаларга (пайғамбар) бўлиб келди. Улардан фаришталарга, пайғамбар ва солиҳларга, дарахт ва тошларга ҳамда қўёш ва ойга ибодат қиладиган кимсалар бор эди.

Росулуллоҳ соллоллоҳу ъалайҳи васаллам улар билан жанг қилиб уришдилар ва уларнинг ўртасини ажратмади. Далил Аллоҳ таолонинг (ушбу) сўзидир:

**«(Эй мўъминлар), сизлар то (дунёда) бирор фитна қолмай, бутун дин фақат Аллоҳ учун бўлгунга қадар улар билан жанг қилинглари! Энди агар (кофирликдан) тўхтасалар, бас, албатта Аллоҳ қилаётган амалларини Кўргувчидир. »**

Қўёш ва ойга ибодат қилишлигининг далили:

**«Кеча ва кундуз, қўёш ва ой Унинг (Танҳолиги ва қудратига далолат қиладиган) оят–аломатлардандир. Агар сизлар (Аллоҳга) ибодат қилгувчи бўлсанглари, қўёшга ҳам, ойга ҳам ибодат қилманглари, (балки) уларни (нг барчасини) яратган Зотга — Аллоҳга сажда қилинглари! » (Фуссилат:37)**

Фаришталарга ибодат қилишлигининг далили:

**«У (пайғамбар) сизларни фаришталарга ва (бошқа) пайғамбарларни худо қилиб олишингизга буюриши ҳам жоиз эмас. Ахир у сизларни мусулмон — Аллоҳга бўйинсинувчи бўлганингиздан кейин куфр — динсизликка қайтишга буюрадими?! » (Ол–и имрон:80)**

Пайғамбарларга ибодат қилишлигининг далили:

**«Эсланг, (Эй Муҳаммад ъалайҳис–салом), Аллоҳ:**

**"Эй Ийсо бинни Марям, сен одамларга:"Аллоҳни қўйиб, мени ва онамни худо қилиб олинглар", деб айтдингми?, деганида, (Ийсо) айтди:" Эй Пок Парвардигор, ҳаққим бўлмаган нарсани айтиш дуруст эмас—ку. Агар айтган бўлганимда Сен албатта билган бўлар эдинг. Зотан Сен дилимдаги бор нарсани билурсан. Аммо мен ҳузурингдаги ҳеч нарсани билмасман. Фақат Сен Ўзинг ғайб илмларнинг Билгувчисисан » (Моида:116)**

Солиҳларга ибодат қилишлигининг далили:

**«Улар (илоҳ деб) илтижо қиладиган ўша кимсаларнинг ўзлари ҳам Парвардигорга қай бирлари яқинроқ бўлишлари учун йўл изларлар. У Зотнинг раҳмат—марҳаматидан умидвор бўлурлар, азобидан қўрқурлар. Дарҳақиқат, Парвардигорингизнинг азоби қўрқинчлидир » (Ал—Исро:57)**

Дарахт ва тошларга ибодат қилишликларининг далили: « (Эй мушриклар,ўзларингизча сиғинаётган санамларингиз) — "Лот","Уззо", ва учинчилари бўлмиш тубан "Манот" ҳақида ҳеч ўйлаб кўрдингларми?!» (Ван—Нажм:19)

Дарахт ва тошларга ибодат қилишлигига Абу Вақид Ал—Лайсий розияллоҳу ʼанҳудан ривоят қилинган ҳадис ҳам далилдир. У айтдики:" Набий соллоллоҳу ʼалайҳи васаллам билан бирга "Ҳунайн"га чиқдик, биз энди куфрдан чиққан ҳолда эдик, мушрикларнинг унинг олдида машғул бўлиб ўтирадиган ҳамда қурол—аслаҳаларини унга осиб қўядиган "Сидр"дарахти бор эди. Уни "Зату анвот",деб номлашарди. Биз "Сидр" дарахтининг олдидан ўтаётиб: " Эй Росулulloҳ соллоллоҳу ʼалайҳи васаллам бизга ҳам улар (мушриклар) нинг "Зату анвот"и каби "Зату анвот" қилиб беринг",— дедик...

### **Тўртинчи қоида:**

Албатта бизнинг замонамиздаги мушриклар аввалгиларга қараганда қаттиқроқ–қўполроқдир, чунки аввалгилар осонлик (осайишталик) вақтида ширк қилишар, қийинчилик вақтида эса, (Аллоҳга) холис бўлишарди. Бизнинг замонамиздаги мушрикларнинг ширклари эса, ҳоҳ осонликда бўлсин, ҳоҳ қийинчиликда бўлсин доимийдир!

Далил Аллоҳ таолонинг (ушбу) сўзидир (Маъноси):

**«Қачон улар кемага минсалар, (ғарқ бўлишдан қўрқиб) Аллоҳга, У Зот учун динни холис қилган ҳолларида (яъни,чин ихлос билан) дуо – илтижо қилурлар. Энди қачонки (Аллоҳ) уларга нажот бериб қуруқликка (чиқаргач),банагоҳ улар (Аллоҳга) ширк келтирурлар»** (Анкабут:65)

(Пайғамбаримизга ва ул зотнинг аҳлига ҳамда асҳобларига Аллоҳнинг салот ва саломи бўлсин!)